



**Resolución de 28 de abril de 2016 da Dirección Xeral de Centros e Recursos Humanos, pola que se resolve a convocatoria do proxecto piloto ESCORNABOTS NA BIBLIOTECA ESCOLAR, para a introdución dos robots e da linguaxe de programación nas bibliotecas escolares dos centros que matriculan alumnado de educación infantil e primaria, integrados no Plan de mellora de bibliotecas escolares, para o ano 2016.**

Con data 8 de abril de 2016 a Dirección Xeral de Centros e Recursos Humanos fixo pública, a través do Portal Educativo, unha convocatoria dirixida a estimular a iniciación do alumnado de infantil e primaria no campo da robótica e na linguaxe de programación a través de actividades manipulativas e outras, programadas desde a biblioteca escolar, mediante a utilización de pequenos robots, os Escornabots, deseñados dentro dun proxecto de Hardware Libre, cunha evolución aberta á comunidade. Buscándose, así mesmo, ampliar as linguaxes presentes na biblioteca, promover a expresión oral, a alfabetización múltiple, a aprendizaxe manipulativa, o xogo, a investigación e o traballo colaborativo de profesorado e alumnado.

A convocatoria ía dirixida aos centros públicos non universitarios de titularidade da Consellería de Cultura, Educación e Ordenación Universitaria, e integrados no Plan de mellora de bibliotecas escolares durante o curso 2015/2016, que matriculan alumnado de ensino infantil e primario.

Rematado o prazo de presentación de solicitudes polos centros interesados, con data 27 de abril reúñese a comisión de valoración prevista no apartado 4 da convocatoria e elabora unha proposta de selección de centros, tras analizar que todas as solicitudes cumpren os requisitos esixidos e segundo os criterios previstos:

- Valoración acadada pola memoria do pasado curso 2014/2015 (ou polo proxecto presentado, no caso dos centros de nova incorporación na última convocatoria PLAMBE), priorizando aqueles centros que presentan unha actividade media-alta.
- Localización: terán prioridade os centros localizados en concellos de ámbito rural, procurando unha distribución axeitada polo territorio galego. A estes efectos acudíuse á clasificación dos concellos galegos realizada polo IGE (Instituto Galego de Estatística) en base á densidade de poboación.

De acordo coa proposta formulada por esta comisión de valoración e de conformidade cos apartados 1, 3 e 4 do texto da convocatoria,

**RESOLVO:**

Primeiro.- Seleccionar de entre as solicitudes presentadas que se axustan aos requisitos da convocatoria e tendo en conta os criterios previstos, un total de 20 centros para aúa participación no proxecto piloto Escornabots na biblioteca escolar. A relación aparece recollida no anexo I desta resolución. No caso de renuncias ou baixas dalgún destes centros, teranse en conta o resto de solicitudes, ordenadas segundo os mesmos criterios de selección, en calidade de reserva. As actividades derivadas da participación nesta iniciativa deberán integrarse na dinámica da biblioteca escolar do centro.



XUNTA DE GALICIA

CONSELLERÍA DE CULTURA, EDUCACIÓN  
E ORDENACIÓN UNIVERSITARIA

Edificio Administrativo San Caetano, s/n  
15781 Santiago de Compostela  
[www.edu.xunta.es](http://www.edu.xunta.es)

galicia

Segundo.- As persoas designadas polo centro para a o seguimento da actividade formativa prevista serán convocadas á sesión presencial que terá lugar o día 13 de maio na EGAP, en Santiago de Compostela, en horario de mañá e tarde. Alí, xunto coa formación inicial necesaria, e as pautas para o desenvolvemento do proxecto no contexto da biblioteca escolar, recibirán os materiais necesarios para a posta en funcionamento desta iniciativa, que pasarán a formar parte do equipamento da biblioteca. A ausencia non xustificada a esta actividade exclúe da participación no proxecto.

Terceiro.- A actividade formativa continuarase a través de Platega, e dará dereito a unha certificación de 40 horas de formación, emitida polo Servizo de Formación do Profesorado da Consellería de Cultura, Educación e Ordenación Universitaria, sempre que se cumpran os requisitos de participación. Así mesmo, polo labor de coordinación e integración das actividades derivadas desta iniciativa na dinámica da biblioteca, a persoa responsable da biblioteca escolar recibirá unha certificación de 10 horas en concepto de innovación educativa, emitida pola Dirección de Educación, Formación Profesional e Innovación Educativa, sempre que a memoria de actividades realizadas reflecta esta integración.

Cuarto.- Con data límite do 31 de marzo de 2017 os centros participantes deberán contribuír coas súas valoracións (nun impreso que se facilitará) á elaboración dun informe final deste proxecto piloto, que se difundirá a través dos espazos web desta consellería. Así mesmo, cada centro presentará unha breve memoria de actividades levadas a cabo durante o transcurso do proxecto (máximo dúas páxinas con apoio fotográfico como anexo). Esta documentación (en formato PDF) deberá dirixirse ao seguinte enderezo:  
<http://www.edu.xunta.es/biblioteca/blog?q=node/845>

Quinto.- Os materiais elaborados pasarán a ser propiedade da Consellería de Cultura, Educación e Ordenación Universitaria conservando a autoría dos seus creadores, para pasar a enriquecer a experiencia do colectivo implicado no Proxecto Escornabot sendo publicados cunha Licenza Creative Commons Atribución-CompartirIgual 4.0 Internacional (<http://creativecommons.org/licenses/by-sa/4.0/>). Cando os centros fagan difusión dos traballos realizados no contexto do programa Escornabots na biblioteca escolar nos seus espazos web, deberán indicar a súa participación neste proxecto da Consellería de Cultura, Educación e Ordenación Universitaria.

Santiago de Compostela, 28 de abril de 2016  
O DIRECTOR XERAL DE CENTROS E RECURSOS HUMANOS

  
José Manuel Pinal Rodríguez



XUNTA DE GALICIA

CONSELLERÍA DE CULTURA, EDUCACIÓN  
E ORDENACIÓN UNIVERSITARIA

Edificio Administrativo San Caetano, s/n  
15781 Santiago de Compostela  
[www.edu.xunta.es](http://www.edu.xunta.es)

galicia

## ANEXO I

### Proxecto "Escornabots na biblioteca escolar" Relación de centros seleccionados

Código	Centro	Concello	Provincia
15020933	EEI de Barrionovo	Arteixo	Coruña (A)
15002670	CEIP Canosa-Rus	Coristanco	Coruña (A)
15026765	CEIP Milladoiro	Malpica de Bergantiños	Coruña (A)
15009071	CPI Castro Baxoi	Miño	Coruña (A)
15014180	CEIP Alfonso D. Rodríguez Castelao	Rianxo	Coruña (A)
15023430	CEP Xosé María Brea Segade	Rianxo	Coruña (A)
15014738	CPI Plurilingüe dos Dices	Rois	Coruña (A)
15026777	CEIP Plurilingüe Pepe de Xan Baña	Santa Comba	Coruña (A)
27015301	CEIP de Cervo	Cervo	Lugo
27012474	CEIP Plurilingüe Virxe do Carme	Sober	Lugo
32012711	CEIP Saco e Arce	Toén	Ourense
36001550	CEIP Plurilingüe de Carballedo	Cotobade	Pontevedra
36013618	CEIP de Figueiroa	Estrada (A)	Pontevedra
36002773	CEIP do Foxo	Estrada (A)	Pontevedra
36014672	CEIP Serra-Vincios	Gondomar	Pontevedra
36017703	CEIP Souto-Donas	Gondomar	Pontevedra
36014611	CEIP A Lama	Lama (A)	Pontevedra
36004927	CPI de Mondariz	Mondariz	Pontevedra
36013576	CPI Manuel Suárez Marquier	Rosal (O)	Pontevedra
36018471	CEIP de Rebordáns	Tui	Pontevedra

